

RIKUTBLIK E KOGOVBS/REPUBLIK KOGOVO/REPUBLIC OF KOGOVO
KOMUNA RAHOVEC/OPSTINA ORAHOVAC/MUNICIPALITY RAHOVEC

KABINETI I KRYETARIT TE KOMUNES/KABINET PREDSEDIRA OPSTINE/MUNICIPAL MAYOR CABINET

Njësia Nr./Br./No 02(Kabineti i Kryetarit të Komunës)

Nr./Br./No 2532 Nr. i faq/Br.str/No.pg 24

Data/Datum/Date 2 / 8 / 2022

RAHOVEC / ORAHOVAC

KOMUNA RAHOVEC

BULETINI MUJOR KOMUNAL
KORRIK 2022



PËRMBAJTJA

HYRJE.....	2
AKTIVITETE TË KRYETARIT DHE DREJTORËVE TË DREJTORIVE.....	3
PËRFUNDIM	14

HYRJE

Ky buletin është krijuar me idenë e promovimit të aktiviteteve të Kryetarit të Komunës dhe drejtorëve të drejtorive përgjatë muajve të vitit 2022.

Rrëndësia e botimit të buletinit mujor qëndron në dhënien e mundësisë për informacionet mbi vendimet, zbatimin e politikave dhe rezultatet e aktiviteteve të Komunës së Rahovecit në mënyrë të tillë që të mundësojmë që qytetari të ndjekë dhe të kontribuojë në mënyrë efektive në punën e institucioneve lokale.

Muaji korrik i vitit 2022, është karakterizuar me një sërë aktiviteteve të kryetarit dhe drejtorëve të drejtorive.

Me anë të këtij buletini mujor për muajin korrik, ne jemi munduar të paraqesim me fotografi dhe në detaje aktivitetet e Kryetarit të Komunës dhe drejtorëve të drejtorive në Komunën e Rahovecit.

AKTIVITETE TË KRYETARIT DHE DREJTORËVE TË DREJTORIVE



Kryetari Smajl Latifi ka uruar mirëseardhje për mërgimtarët, të cilët gjenden në pushime edhe këtë vit, duke e gjallëruar kështu qytetin edhe më shumë. Komuna e Rahovecit edhe këtë vit është e angazhuar maksimalisht që të krijojë kushte sa më të mira, në mënyrë që mërgimtarët të kënaqen edhe këtë verë. Jemi mobilizuar për shërbime administrative komunale e që të ketë vendparkime të mjaftueshme për ta, si dhe të organizojmë ngjarje kulturore e takime të përbashkëta për t'u çmallur, por edhe për të shkëmbyer ide dhe përvoja për projekte të reja zhvillimore në komunën tonë.

Kryetari ka zhvilluar takim me udhëheqjen e KRU "Gjakova", ku kanë biseduar rreth investimeve në sektorin e ujit të pijshëm dhe dobinë që do të sjellin projektet e përbashkëta në mes të komunës së Rahovecit dhe KRU "Gjakova", rreth bashkërendimit të investimeve në sektorin e ujit të pijshëm si në projektet: Rahovec - Hoçë e Madhe - Zaqisht - Optrushë, projekti i ujit të pijshëm në Senoc dhe në Drenoc.

Gjithashtu, u diskutua edhe për: reduktimet në Zonën 3 - Rahovec, vështirësitë në furnizim të fshatrave Pataqan i Poshtëm, Pataqan i Epërm, Nashpall, zgjidhjen e problemit me ujë të pijshëm për fshatrat Vrajkë dhe Bratatin, si dhe për çështje të tjera me qëllim të zgjerimit të zonës operative të furnizimit me ujë të pijshëm.



Është mbajtur mbledhja e katërt e radhës e Këshillit Komunal për Siguri në Bashkësi (KKSB), ku janë diskutuar çështjet që kanë të bëjnë me sigurinë në vendin tonë: qentë endacak, rreziku nga zjarret për shkak të temperaturave të larta, etj.






Me drejtorin e Shërbimeve Publike si dhe me disa nga zyrtarët e Drejtorisë për Bujqësi, kryetari ka përcjellur nga afër procesin e korrje – shirjeve në komunën tonë.

Bujqit e komunës sonë, përkundër kohës së vështirë, të cilët përballen me rritje çmimesh të farërave, karburanteve e preparateve të nevojshme që nga mbjellja e grurit e deri te korrja, megjithatë po i mbledhin rezultatet e punës së tyre të palodhshme.

Komuna e Rahovecit është e orientuar qartë dhe me vendosmëri i jep prioritet bujqësisë, prandaj ndihma e komunës për bujqit është gjithmonë e prekshme dhe e pranishme.

Së bashku me drejtorin e Drejtorisë së Bujqësisë, Pylltarisë dhe Zhvillimit Rural, me drejtorin e Drejtorisë së Ekonomisë, Zhvillimit dhe Turizmit, si dhe bashkëpunëtorë të tjerë, kryetari ka bërë shpërndarjen e mekanizmave dhe mjeteve bujqësore për 81 bujq.

Në fazën e tretë janë shpërndarë 54 spërkatëse, 2 pajisje për mbjelljen e misrit dhe 25 motokultivatorë me frezë 7.5 KW.




Së bashku me përfaqësuesit e organizatës ndërkombëtare ASB (Arbeiter-Samariter-Bund Deutschland), kryetari Latifi ka nënshkruar marrëveshjen e bashkëpunimit për financimin e dy projekteve të rëndësishme për komunën tonë, ku hyjnë funksionalizimi dhe rregullimi i hapësirës së jashtme të Qendrës për Qëndrim Ditor për të Moshuarit si dhe furnizimi i OJQ-së "Hareja" me pajisje të teknologjisë së informacionit në vlerë prej 10.000 Euro.



Nën organizimin e Shoqërisë "Lëvizja", në sallën e Kuvendit Komunal është mbajtur aktiviteti i manifestimit të 40 vjetorit të bashkimit të organizatave atdhetare.

Te Muri i Pikëllimit në Rahovec, për nder të 17 korrikut të vitit 1998, kryetari Smajl Latifi së bashku me bashkëpunëtorët e tij, kanë bërë homazhe për martirët dhe dëshmorin e parë të Epopesë së Rahovecit të korrikut 1998, Avdullah Bugari.



Për nder të 17 korrikut 1998, në praninë e bashkëluftëtarëve, familjarëve të dëshmorëve dhe qytetarëve, në kujtim të Epopesë së Rahovecit janë zbuluar edhe pllakat në shtëpitë që kanë qenë baza dhe në shërbim të UÇK-së.





Homazhe janë bërë edhe në Fortesë, ku me 18 korrik të vitit 1998, mes luftimeve të ashpra kundër armiku, ranë në altarin e lirisë heronjtë Agim Kelmendi, Gani Paçarizi dhe Tafil Zyberaj.

Poashtu, në 24-vjetorin e Epopesë së Fortesës, është zbuluar edhe pllaka përkujtimore për nder të 68 martirëve të fshatit, të cilët u vranë mizorisht në mëngjesin e 25 marsit të vitit 1999 nga forcat kriminale serbe.

Homazhet kanë vazhduar edhe me 19 korrik, para lapidarit të dëshmorëve në "Rrugën e UÇK-së", ku janë të skalitur emrat dhe figurat e luftëtarëve trima që u sakrifikuan për lirinë tonë.




Edhe këtë vit kryetari Latifi për nder të Muajit të Mërgimtarëve, ka hapur dyert e zyrës së tij për takime me bashkëqytetarët tanë që jetojnë në mërgim, e që gjenden në pushime në vendin tonë.



Në cilësinë e Kryetarit të Komunës së Rahovecit, bashkë me zëvendësministrin e Ministrisë së Mjedisit, Planifikimit Hapësinor dhe Infrastrukturës, z. Hysen Durmishi, është nënshkruar marrëveshje mirëkuptimi për mbështetjen financiare të projektit për asfaltimin e rrugëve në qytet, me vlerë 600,000.00€, si dhe është nënshkruar marrëveshja edhe për përfundimin e financimit të projekteve, për rrugët tashmë të përfunduara: Rahovec - Hamoc - Fortesë si dhe Xërxë - Sapniq - Ratkoc.

Së bashku me ish-kryeministrin e Kosovës dhe kryetarin e Aleancës për Ardhmërinë e Kosovës, z. Ramush Haradinaj, bashkëluftëtarë, miq e familjar me 21 korrik janë bërë homazhe para shtatores së atdhetarit të madh dhe prijësit fetar nga Rahoveci, heroi Shejh Myhedin Shehu, i cili me 21 korrik 1998, u vra barbarisht nga pushtuesit serbë.




Në kuadër të shënimit të "Epopesë së korrikut 1998", me bashkëluftëtarë, bashkëpunëtorë dhe familjarë të të rënëve, janë bërë homazhe pranë lapidarit të të rënëve: Arian Brahimi-Shkodrani, Mizahir Isma, Eshrefedin Kastrati, Bekim Isma, Habib Berisha, Ramadan Morina, Ruzhdi Xhuliqi, Samir Nurkasa, Xhafer Nurkasa, Gëzim Mullabazi, Xhevat Kasapi dhe në kompleksin përkujtimor "Maja e Shkodranit", vendin ku janë gërshtetur madhështia e vlerave dhe sakrificë e Arianit, Mizahirit, Eshrefedit dhe Bekimit! Gjithashtu, homazhe janë bërë edhe në Bllatë, për nder të dëshmorit të kombit Bajram Veliu.



Së bashku me Drejtorin e Agjencisë për Menaxhimin e Komplekseve Memoriale në Republikën e Kosovës, z. Bislim Zogaj, kryetari Smajl Latifi ka nënshkruar marrëveshjen për bashkëfinancimin e projektit: "Memoriali Masakra e Krushës së Madhe - Krushë e Madhe". Ky projekt kap vlerën 82,504.00€, ku Komuna e Rahovecit merr pjesë me 22,504.50€, ndërsa Agjencia për Menaxhimin e Komplekseve Memoriale, me 60,000.00€.

Drejtoria e Shërbimeve Publike, me angazhimin vullnetar të kompanisë EAE-NJAZ, ka bërë eliminimin e deponisë ilegale të mbetjeve inerte në rrugën transite, si dhe në pjesë të tjera të qytetit.



Profesor Dr. Sabahajdin Cena i dhuroi bibliotekës komunale "Sulejman Krasniqi" disa ekzemplarë të librit të tij "Kronikë nëpër stuh". ku janë të përmbledhura të dhëna jetësore për dëshmorët e kombit të rënë në periudhën janar – mars 1998/99 në luftë për çlirimin e trojeve të pushtuara shqiptare.

Për nder të muajit të mërgimtarëve është organizuar aktiviteti "Ditët e Mërgatës", i cili përfshin aktivitete të ndryshme kulturore, duke filluar me koncertin festiv, ku performoi grupi i mirënjohur O4 Band.



Kryetari i komunës së Rahovecit, Smajl Latifi, së bashku me drejtorin e Drejtorisë për Kulturë, Rini dhe Sport, Afrim Dinën, kanë përfunduar hapësirën pushuese e rekreative të "Maja e Shkodranit", në kuadër të projektit "Investime në infrastrukturën kulturore dhe kënde të lojërave", që tashmë kjo hapësirë është gati e do të ofroj një mundësi argëtimi e socializimi për të gjitha moshat, të cilët tashmë kohën e lirë të tyre do të mund ta kalojnë me më shumë lojëra e aktivitete sportive.



Aktiviteti "Ditët e Mërgatës", ka vazhduar me organizimin e koncertit, ku performoi grupi i mirënjohur Fisnikët, të cilët me këngët e tyre i dhanë edhe më tepër emocion dhe gjallëri qytetit.

Kryetari Latifi priti në takim Lenhard Hamzën nga organizata "Germin", ku bashkëbiseduan rreth mundësive për rritjen e aktiviteteve që fuqizojnë lidhjen e mërgatës me vendin tonë ku në takim u vendos për: vendosjen e hapave për fillimin e kontakteve me komunat e shteteve gjermano-folëse për formalizimin e marrëveshjeve të binjakëzimit, angazhimi afatshkurtër i ekspertëve nga mërgata në fushat prioritare për komunën tone si dhe organizimi i aktivitetit "B2B" ndërmjet ndërmarrësve nga mërgata dhe ndërmarrësve vendorë.





Në 24 vjetorin e rënies së dëshmorëve të atdheut Gëzim Mullabazi, Samir Nurkasa, Xhafer Nurkasa dhe Xhevat Kasapi, e në nderim të kujtimit dhe veprës atdhetare të tyre, Komuna e Rahovecit në bashkëpunim me OVL të UÇK-së, ka bërë zbulimin e një pllakë përkujtimore në anën e djathtë të rrugës (te vendi i rënies) që çon te "Maja e Shkodranit".

Nën organizimin e Klubit të Shahut "Rahoveci" e në bashkëpunim me Ministrinë e Kulturës, Rinisë dhe Sportit, Federatën e Shahut të Kosovës, si dhe me Komunën e Rahovecit, u mbajt Turneu i parë Ndërkombëtar i Shahut "Korriku 98" në Rahovec, kushtuar Epopesë së Rahovecit në korrikun e vitit 1998 si dhe sakrificës e flijimit të dëshmorëve dhe martirëve që ranë për liri. Në turneun e organizuar kanë marr pjesë 106 garues nga: Kosova, Shqipëria, Finlanda, Austria, Mali i Zi dhe Maqedonia e Veriut.



Në objektin e ri të SHFMU "LIRIA" në Fortesë, është bërë pajisja me inventar shkollor, që përfshin: banka, karriga, dollapa. Ky investim u përkrah nga Ministria e Arsimit, Shkencës dhe Teknologjisë.

Në objektin e SHML "12 Maji" në Ratkoc, kanë filluar punimet e masave të efijencës së energjisë elektrike.

Punimet përfshijnë: riparimin e kulmit, ndërrimi i dyerve dhe dritareve, instalimi i ndriçimit të brendshëm efficient, izolimi i jashtëm i objektit dhe veprime tjera të nevojshme.



Komuna e Rahovecit në bashkëpunim me Ministrinë e Administratës dhe Pushtetit Lokal, ka nënshkruar kontratat me komunën me 10 të rinj të komunës sonë, si përfitues nga skema e granteve që bashkëfinancohet nga komuna me 15% dhe (MAPL) me 85%. Shuma e përgjithshme që të rinjtë përfitojnë nga kjo skemë, është 118.497 dollarë amerikanë. Ky projekt është donacion nga Qeveria Japoneze, i përkrahur nga Banka Botërore.

Në objektin e shkollës "Skender Kastrati", paralelja e ndarë në Gexhë, kanë filluar punimet në projektin e zbatimit të masave të efijencës së energjisë elektrike. Punimet kanë filluar me riparimin e kulmite më pas me veprime tjera.





Në kuadër të aktivitetit "Ditët e Mërgatës" është organizuar mbrëmje festive, ku grupi i radhës që performoi ishte Jericho, i cili me muzikën e tij ka argëtuar të pranishmit.

Në cilësinë e kryetarit të komunës së Rahovecit e në prani të ambasadorit të SHBA-së në Prishtinë, Jeff Hovenier, është nënshkruar Memorandumi i bashkëpunimit me USAID për projektin: "Integriteti i Komunave në Kosovë", ku në mesin e tetë komunave të tjera është edhe Komuna e Rahovecit.

Projekti përfshin: mbikëqyrjen e financave publike, sundimin e ligjit, transparencën, llogaridhënien, eficiencën, efektshmërinë, reagueshmërinë, përfshirjen dhe pjesëmarrjen e qytetarëve në këtë proces si dhe menaxhimin e kontratave të prokurimit.



Kryetari Latifi së bashku me z. Visar Hasi, U.D i KRU "Gjakova", ka nënshkruar marrëveshjen për bashkëfinancimin e projektit për rehabilitimin e rrjeteve të ujësjellësit në fshatrat Ratkoc, Bratotin dhe Vrajakë.

Vlera e projektit është 61,000.00 €, nga të cilat Komuna e Rahovecit do të financojë 49% të mjeteve, ndërsa KRU "Gjakova" 51%.

Drejtoria për Kulturë, Rini dhe Sport, në kuadër të aktivitetit "Ditët e Mërgatës", në Drenoc ka organizuar "Sofrën e Mergimtarit", ku morën pjesë bashkatdhetarët nga vende të ndryshme.



Së bashku me ministrin e Ministrisë së Administrimit të Pushtetit Lokal, z. Elbert Krasniqi, kryetari Smajil Latifi ka nënshkruar marrëveshjen për mbështetjen financiare të projektit "Trajtimi i Vlerave të Trashëgimisë Kulturore dhe Krijimi i Sigurisë së Lëvizjes në Qytetin e Rahovecit", projekt që kap vlerën prej 174.519.05 €, nga të cilat ministria do të merr pjesë në financim me 100.000 €, ndërsa Komuna e Rahovecit me 74.519.05 €.

Në sallën e Kuvendit Komunal është mbajtur mbledhja e rregullt e kuvendit, ku në rend dite ishin këto pika:

1. Shqyrtimi dhe miratimi i procesverbalit nga mbledhja e kaluar.
2. Pyetjet dhe përgjigjet në pyetjet e kuvendarëve.
3. Shqyrtimi i Raportit financiar janar – qershor – 2022.
4. Shqyrtimi i Raportit të punës së DKA-së për përfundimin e vitit mësimor 2021/2022.
5. Shqyrtimi i Raportit të auditimit për pasqyrat financiare vjetore të komunës së Rahovecit për vitin 2021.



PËRFUNDIM

Ky buletin përmbledhës paraqet thekset kryesore të aktiviteteve që kanë ndodhur gjatë muajit korrik 2022.

Fusha e qeverisjes së mirë është mjaft e gjerë, e një aspekt i rëndësishëm i saj që është i pashmangshëm për ta plasuar qytetarin në vend qendror është liria e informimit.

Informacioni është themeli i qeverisjes së mirë, jo vetëm sepse e rrit efikasitetin, porse i fuqizon qytetarët dhe mundëson shpërndarje të barabartë të përfitimeve nga zhvillimi i përgjithshëm në vend, andaj duke dashur që të jetë sa më transparente me publikun, Komuna e Rahovecit përmes këtij buletini mujor ka ofruar një pasqyrë të përgjithshme të aktiviteteve të saj, për t'iu dhënë mundësi qytetarëve që të njohin dhe vlerësojnë punën e institucioneve komunale.

Komuna e Rahovecit ka vënë në funksion këto parime përmes formave të ndryshme të komunikimit me qytetarë, takimeve të drejtpërdrejta, informimit publik dhe çfarëdo metode tjetër përmes së cilës transparenca të ndikojë në avancimin e vetëqeverisjes lokale.

Përveç konsultimit dhe komunikimit, këto dokumente forcojnë lidhjet e qytetarëve me komunën dhe rrisin besimin që e gëzojnë zyrtarët publik në nivel lokal.

Rahovec, korrik 2022